

Powšitkowne WOZJEWJENJA

njedźelu, 19. januara 2014

Terminy firmowanjow w serbskich wosadach

Swjaty sakrament firmowanja wudźělita Drježdźansko-Mišnjanski biskop dr. Heiner Koch a Zhorjelski biskop Wolfgang Ipolť lětsa w sčěhowacych wosadach:

Wotrow	njedźelu, 9. februara, w 10.30 hodź.
Bačoń	njedźelu, 9. februara, w 14 hodź.
Njebjelčicy	sobotu, 3. meje, w 10 hodź.
Ralbicy	njedźelu, 4. meje, we 8.30 hodź.
Kulow	njedźelu, 11. meje, w 9 hodź.
Radwor	štwórtk, 19. junija, w 9 hodź.
Kulow	njedźelu, 23. nowembra, w 9 hodź.

Swjedzeń swjateho Bosćana w Chróscicach

Předsydstwo Bratstwa swjateho Bosćana přeprašuje wšitkich na swjedzeń swjateho Bosćana pónđzeli, 20. januara, do Chróscic. Bože mšě budu w 6.45 hodź., 9.00 hodź. a 19.00 hodź. Swjedźenski nyšpor z procesionom po wsy je w 14.00 hodź. Po nyšporje změja čłonojo bratstwa na farje swoju hłownu zhromadźiznu. Na njej porěči rektor Domu biskopa Bena w Smochćicach, dr. Peter-Paul Straube, wo Budyskim Židze Isidorje Nussenbaumje. Wěriwi ze wšitkich serbskich wosadow su přeprašeni, do Bratstwa swjateho Bosćana zastupić. Štóz chce z čłonom bratstwa być, njech so hač do soboty, 18. januara, na Chróščanskej farje přizjewi, telefonowe čisło (03 57 96) 8 04 00.

Domyswjećenje w Don Boskowym domje

Na swjedženju swjateho Don Boska pjatk, 31. januara, přeprašuje dekanatne dušepastyrstwo wšitkich młodostnych ze serbskich wosadow na domyswjećenje do Don Boskoweho domu we Worklecach. Započatk je z Božej mšu w 19 hodź. we Worklečanskej kapalce. Domyswjećenju přizamknje so zhromadny wječor.

Dom swjateho Jana w Smječkach – 20 lět dom Charity

Składnostnje 20. róčnicy Domu swjateho Jana w nošerstwje Charity přeprašujemy pónđzeli, 27. januara, w 19 hodź. na dwurěčny swětłowobrazowy přednošk Gerharda Schmelinga pod temu „Janska kupjel na starych pohladnicach a wobrazach“. Wopytowarjow wočakuje zajimawa prezentacija dotal njewidžanych historiskich wobrazow a přednošk wo wuznamje Janskich kupjelow. *Tadej Šiman*

Přeprašenje na Maćičnu akademiju

Wědomostna sobudźělaćerka w Serbskim instituće Trudla Malinkowa přednošuje štwórtk, 30. januara, w 19.30 hodź. w Budyskim hosćencu „Wjelbik“, Žitna 7, k temje „Serbske pomniki. Materielne swědky narodneje identity“. Přednošk budže w serbskej rěči, zastup je darmotny.

Stawizniska sekcija Maćicy Serbskeje

Zetkanje putnikow do Tinje

Putnicy, kotřiž pobychu loni w oktobru w domje „Sodalitas“ w Tinje w Awstriskej, zetkaja so pjatk, 31. januara, po wječornych kemšach, pola Šmitec w Radworju. Boža mša je we 18.30 hodź. w cyrkwi.

Zakładny kurs za přewod ćežkochorych a mrějacych

Přihotowanski kurs za přewod ćežkochorych a mrějacych poskićuje ambulanta hospicna služba Carity wot 29. januara hač do 26. februara. Zajimcy njech so w Domje Carity w Kamjencu přizjewja, telefonowe čisło (0 35 78) 37 43 12.

Putniskej jězbje na Morawu a do Nižozemskeje

Do Čěskeje powjedže nas lětuša přenja putniska jězba, a to wot wutory, 6. meje, hač do pjatka, 9. meje, na hnadownej městnje Svatý Hostýn a Svatý Kopeček. Na druhej jězbje wot pónđzele do soboty, 11. do 16. awgusta, pojedžemy do wuznamneho putniskeho města Kevelaer w serwjernej Němskej. Wottam wulećimy sej do Brüssela (Belgiska) a Maastrichta (Hollandska). Přizjewić móža so zajimcy pola mje w Radworju, telefonowe čisło (03 59 35) 2 04 25. *Terezija Kubašec*

Putniskej jězbje do Słowjenskeje a Chorwatskeje kaž tež do Swjateho kraja

Lětuša přenja putniska jězba powjedže nas wot wutory, 3. junija, hač do wutory, 10. junija, do Słowjenskeje a Chorwatskeje. We wobłuku našeje kołožězby z busom chcemy putniske městno Brezje w Słowjenskeje wopytać. Dalše cile su narodnej parkaj „Plitwicke jězory“ a „Krka“, Makerska riviera kaž tež město Dubrovnik. Dalša putniska jězba budže wot pónđzele, 15. septembra, hač do pónđzele, 22. septembra. Planowane je, zo podamy so z lětađlom do Swjateho kraja. Nadrobne informacije k woběmaj jězbomaj dóstanu zajimcy pod telefonowym čisłom (01 63) 7 33 82 05.

Maćij Hadank